

HARIÑA DI CONTINENTAL MILLING NO TA SIRBI PA TRAHA PAN

(PAGINA 3)




Prins Rick y Pancho Ed

*E chikitin carnavalero-
nan di Aruba ya tin nan
Prins y Pancho, cu lo dirigi
nan durante Carnaval di e
aña aki.*

*Ta trata di Frederick y
Edward Lobbrecht, respec-
tivamente "Prins Rick," y
"Pancho Ed," kendenan
ayera a resulta ganador
den e eleccion pa Prins y
Pancho infantil.*

*Riba e fotonan nos
lectornan por aprecia e
Prins y e Pancho durante
nan actuacion, y un "pose"
pa nos fotografo di e Rei-
na Infantil 1981, Herlein
Koolman, mei mei di e
ganadornan.*



**OTRO PERSONA
DETENI PA DROGA
DI PLANTERSRUST**

(PAGINA 16)

**ELECCION
PRINS Y
PANCHITO**

(PAGINA 15)

**PROBLEMA CU
CHEQUE DI ABBA**

(PAGINA 10)

**COPA
DI MUNDO**

(PAGINA 8)

DIARIO:
CU ORIGINALIDAD, VARIACION Y CLASE!


BO TA NOTA!!!

**ABC NEWS
A PROMOVE
ARUBA**


(PAGINA 2)

AVION A CAI NA WASHINGTON


(PAGINA 12)



Pancho "Ed" durante su presentacion.




Prins "Flakucio," y Pancho "Godicio," kendenan a sali na di dos lugar.



Prins "Hisa benta," y Pancho "Dal abao."



Prins "Morochu," y Pancho "No tin."



Prins "20," y Pancho "8."



Prins "Bashul," y Pancho "Canal 90."

ORANJESTAD (AAN).--

Ayera nochi den Centro di Barrio Noord, dilanti di un publico grandi a tuma lugar e eleccion di Prins y Pancho Infantil, cu por cierto tabata un punto nobo cu SAC a inclui den su programa di Carnaval.

6 Pareha a participa na e eleccion, mientras cu e maestro di ceremonia tabata e conocido D.J. di Radio Antillana, Roberto "A." E prome participantenan tabata Prins Morochu y Pancho No tin, den persona di Andy Lewis y Gorry Orman, sigui pa Prins Rick y Pancho Ed, kendenan tabata Frederick y Edward Lobbrecht cu a pone e publico hari te yora cu nan chistenan. A sigui Randolph Simoons y Ryan Maduro como Prins Hisa Benta y Pancho Dal Abao; Prins Bashul y Pancho Canal 90, den persona di Aldrick Marchena y Romeo Kock. E di cinco pareha a resulta un competencia contra Prins Rick y Pancho Ed. Nan tabata Mauro Chacon, como Prins Flakacio y Jurvey Sophia como Pancho Godicio. E ultimo participante pa e anochi tabata Prins 20 y Pancho 8, cu tabata Franklin Ridderstaat y Mirto Tromp.

E hurado tabatin un tarea basta pisa pa por a scohe Prins y Pancho Infantil 1982, ya cu tur e participantenan a actua hopi bon y cu nan chistenan a entretene e publico cu a hari bariga yen. Ambiente tabata tur afo, ya cu tur e parehanan a presenta cu nan fanaticonan pa apoya nan.

Como Prins y Pancho Infantil 1982 a keda elehi Frederick y Edward Lobbrecht, como Prins Rick y Pancho Ed, kendenan a ser patronisa pa nan propio mayornan. For di awe tardi caba e Prins y Pancho nobo lo mester cuminsa cumpli cu nan funcionnan durante eleccion di Reina Infantil di distrito di Paradera, na Paradera.



Un bista di e cantidad grandi di publico cu a presencia e prome eleccion di Prins y Pancho Infantil 1982, den Centro di Barrio Noord.



Riba e foto nos por mira di robes pa drechi: Prins Flakucio y Pancho Codicio, First runner-ups den e eleccion di ayera, sigui pa Prins Rick, Reina Infantil 1981 Herlein Koolman y Pancho Ed. Un caluroso Pabien di DIARIO na e ganadonan.